



JABATAN BENDAHARI

Rujukan : UKM 3.1/224/8 Jld.VIII  
Tarikh : 21 Februari 2005

PEKELILING BENDAHARI BIL. 5/2005 ✓

Semua Dekan Fakulti

Semua Pengarah Institut / Pusat

Semua Ketua Bahagian

Universiti Kebangsaan Malaysia

Y.Bhg. Dato' / Datin / Tuan / Puan,

**GARIS PANDUAN PENGURUSAN TABUNG KO-KURIKULUM  
FAKULTI / INSTITUT/ BAHAGIAN**

Dengan hormatnya saya merujuk kepada perkara di atas dan suacita dimaklumkan bahawa satu Garis Panduan Pengurusan Tabung Ko-Kurikulum Fakulti / Institut / Bahagian telah diwujudkan. Pekeliling ini bertujuan untuk memberikan satu panduan dan peraturan yang perlu diikuti oleh semua Fakulti / Institut / Pusat / Bahagian supaya perjalanannya lebih kemas dan terkawal. Sehubungan dengan itu Pekeliling Bendahari Bil. 11/2002 adalah dibatalkan dan Pekeliling ini berkuatkuasa serta merta.

Sekian, terima kasih.

Yang benar,

MOHD. ABD. RASHID MOHD. FADZIL  
Bendahari

- s.k: - Naib Canselor  
- Timbalan-Timbalan Naib Canselor

# **GARIS PANDUAN PENGURUSAN TABUNG KO-KURIKULUM FAKULTI/INSTITUT/BAHAGIAN.**

## **1.0 PENUBUHAN**

- 1.1 Semua penubuhan Tabung Ko-Kurikulum perlu dibawa ke Mesyuarat Pengurusan Universiti. Setelah diluluskan ia perlu diperakukan oleh Jawatankuasa Tetap Kewangan dan mendapatkan kelulusan Lembaga Pengarah Universiti (LPU).
- 1.2 Semua permohonan penubuhan Tabung Ko-Kurikulum perlu dikemukakan kepada Jabatan Bendahari dengan menggunakan borang seperti di lampiran A.
- 1.3 Satu Fakulti/Institut/Bahagian hanya dibenarkan menubuhkan satu tabung ko-kurikulum **kecuali** jika tujuan penubuhan tabung yang lain tidak mempunyai kaitan dengan tabung sedia ada dan perlu disenggara oleh Fakulti/Institut/Bahagian yang sama.

## **2.0 TUJUAN**

- 2.1 Membayai beberapa program Fakulti/Institut/Bahagian yang bersifat akademik/rasmi dan tidak dapat ditampung dari peruntukan Universiti.
- 2.2 Membayai ahli-ahli fakulti/bahagian bagi mengikuti seminar, persidangan, bengkel yang tidak dapat ditampung dari peruntukan Universiti.
- 2.3 Membayai pembelian peralatan untuk pengajaran dan penyelidikan yang tidak cukup untuk ditampung dari peruntukan Universiti.
- 2.4 Menjana pendapatan melalui pelbagai aktiviti akademik seperti persidangan, perundingan, bengkel dan kursus-kursus pendek bagi perkembangan profesional yang berterusan.
- 2.5 Membayai aktiviti lain yang diiktiraf oleh universiti.

## **3.0 PENTADBIRAN TABUNG**

- 3.1 Tabung akan di tadbirkan oleh Jawatankuasa Pengurusan Tabung-Ko-Kurikulum Fakulti/Institut/Bahagian sebagai pemegang amanah.
- 3.2 Jawatankuasa pemegang amanah hendaklah terdiri daripada berikut :-

- a. Pengerusi : *(Dekan/Pengarah/Ketua Fakulti/Institut/Bahagian )*
- b. Setiausaha : *(Penolong Pendaftar)*
- c. Bendahari : *(Di lantik di kalangan Ahli Mesyuarat Pengurusan Fakulti/Institut/Bahagian)*
- d. Ahli J/K : *(Ahli Mesyuarat Pengurusan Fakulti/Institut/Bahagian yang lain.)*

- 3.3 Fungsi dan tanggungjawab jawatankuasa pemegang amanah adalah seperti berikut;
  - a. Memutuskan dasar berhubung dengan penggunaan wang dalam akaun amanah selaras dengan tujuan akaun amanah seperti yang dinyatakan dalam Surat Ikatan Amanah
  - b. Memutuskan Anggaran Belanjawan tahunan dan Anggaran Belanjawan Tambahan.
  - c. Memastikan bahawa penerimaan, perolehan dan perbelanjaan dibuat mengikut peraturan dan prosedur universiti.
  - d. Memastikan bahawa semua laporan dan penyata berhubung dengan terimaan dan perbelanjaan tabung disediakan.
  - e. Mengawasi supaya akaun tabung sentiasa berbaki kredit dan tidak terlebih dikeluarkan pada setiap masa.
  - f. Bertanggungjawab atas segala pendapatan dan perbelanjaan tabung.
- 3.4 Akaun tabung ini diselenggarakan oleh Jabatan Bendahari. Semua penerimaan dan pembayaran hendaklah dibuat melalui Jabatan Bendahari dan Fakulti/Institut/Bahagian tidak dibenarkan membuka akaun Bank sendiri.
- 3.5 Semua terimaan hendaklah diserahkan kepada Jabatan Bendahari. Jika penerimaan dibuat melalui cek, Bank Draf atau Wang Pos/Kiriman Wang yang berpalang hendaklah dibayar atas nama BENDAHARI, UNIVERSITI KEBANGSAAN MALAYSIA.
- 3.6 Sekiranya penerimaan perlukan pelepasan cukai, kelulusan hendaklah di perolehi dari Jabatan Bendahari.
- 3.7 Pentadbir Tabung juga bertanggungjawab bagi menentukan bahawa akaun tabung tidak terlebih belanja. Sekiranya akaun amanah terlebih belanja, Pentadbir Tabung bertanggungjawab untuk mendapatkan sumber kewangan bagi menampung kurangan berkenan.

#### **4.0 SUMBER KEWANGAN TABUNG**

Sumber kewangan tabung boleh di perolehi melalui aktiviti-aktiviti Fakulti/Institut/Bahagian seperti berikut :-

- 4.1 Sumbangan/derma.
- 4.2 Lebihan aktiviti Fakulti/Institut/Bahagian di mana semua kos ditanggung oleh pendapatan daripada aktiviti berkenaan.
- 4.3 Bagi aktiviti yang dijalankan oleh Fakulti/Institut/Bahagian di mana semua kos ditanggung oleh peruntukan universiti, semua pendapatan hendaklah diakaunkan sebagai pendapatan universiti.
- 4.4 Bagi aktiviti yang menggunakan kemudahan/peralatan universiti semua pendapatan hendaklah diakaunkan sebagai pendapatan universiti.
- 4.5 Pendapatan daripada sewa/bayaran perkhidmatan/denda dan yuran-yuran yang berkaitan dengan peraturan universiti hendaklah dikira sebagai pendapatan universiti dan tidak boleh dijadikan sebagai pendapatan tabung.
- 4.6 Keuntungan pelaburan yang diluluskan oleh Bendahari.
- 4.7 Agihan keuntungan entiti perniagaan.

#### **5.0 PERBELANJAAN TABUNG**

- 5.1 Semua jenis perbelanjaan hendaklah diluluskan oleh Jawatankuasa Kerja Tabung sekiranya tidak melebihi RM 10,000.00. Perbelanjaan yang melebihi RM 10,000.00 perlu mendapat kelulusan MPU dengan mengemukakan permohonan ke Bendahari UKM.
- 5.2 Kadar bayaran bagi elauan-elauan, sagu hati dan apa juga kemudahan kewangan hendaklah mengikut kadar yang berkuatkuasa di Universiti.
- 5.3 Kadar bayaran yang tidak mengikut kadar yang berkuatkuasa di Universiti hendaklah mendapat kelulusan MPU.
- 5.4 Menghadiri persidangan/bengkel/seminar dan kursus jangka pendek.
- 5.5 Membeli bahan-bahan rujukan dari bacaan.
- 5.6 Membayar lawatan ke institusi yang berkaitan dengan tugas/urusan rasmi.
- 5.7 Menghadiri program peningkatan kerjaya dan profesionalisma.

- 5.8 Pendahuluan untuk menganjurkan persidangan/seminar/kursus/bengkel dan forum dan perlu dibayar balik.
- 5.9 Keraian untuk urusan rasmi seperti meraikan profesor pelawat dengan kadar yang sesuai dan munasabah.
- 5.10 Membayai perbelanjaan yang tidak dapat ditampung dari peruntukan tahunan fakulti atau yang tidak dipohon dalam belanjawan tahunan.
- 5.11 Sumbangan untuk program Sanggar Kerja hendaklah tidak melebihi 50% daripada kos program atau maksimum RM10,000.00 mana yang terendah dan diberi sekali dalam setahun.
- 5.12 Perbelanjaan untuk meraikan ahli Fakulti/Bahagian yang bersara hendaklah tidak melebihi 50% daripada belanja keseluruhan.
- 5.13 Sumbangan untuk program berbentuk kebajikan kepada ahli seperti Hari Keluarga hendaklah tidak melebihi 50% daripada kos program atau maksimum RM 5,000.00 mana yang terendah dan diberi sekali sahaja dalam setahun.

## **6.0 PENG AUDITAN**

- 6.1 Semua Tabung ini akan di audit bersama dengan akaun Universiti pada setiap tahun yang berakhir pada 31 Disember.

## **7.0 PENUTUPAN TABUNG**

- 7.1 Tabung amanah boleh ditutup sekiranya :
  - a. Akaun tersebut tidak aktif bagi jangkamasa melebihi 3 tahun.
  - b. Tujuan atau maksud penubuhannya sudah tidak relevan dengan keadaan semasa
  - c. Atas arahan Universiti
- 7.2 Mesyuarat Pengurusan Universiti mempunyai kuasa untuk menutup akaun tersebut dan memindahkan bakinya (jika ada) ke mana-mana akaun Universiti lain yang bersesuaian

LAMPIRAN A



JABATAN BENDAHARI  
UNIVERSITI KEBANGSAAN MALAYSIA

BORANG PERMOHONAN MENUBUHKAN TABUNG AMANAH

2. Nama Tabung :
3. Fakulti/Institut/Bahagian :
4. Tujuan Penubuhan :
5. Latarbelakang :
6. Objektif :
7. Sumber Kewangan :
8. Penggunaan Wang :
9. Ahli Jawatankuasa :
  - a. Pengerusi : *(Ketua Fakulti/Institut/Bahagian )*
  - b. Setiausaha : *(Penolong Pendaftar)*
  - c. Bendahari : *(Ahli Mesyuarat Pengurusan Fakulti/Institut/Bahagian)*